



**Republika e Kosovës**  
**Republika Kosova - Republic of Kosovo**  
*Qeveria - Vlada - Government*

---

Nr. 01/38

Datë: 31.05.2020

Në mbështetje të nenit 92 paragrafi 4. dhe të nenit 93 paragrafi (4) të Kushtetutës së Republikës së Kosovës, duke u bazuar në nenin 4 të Rregullores Nr. 05/2020 për Fushat e Përgjegjesisë Administrative të Zyrës së Kryeministrit dhe Ministrive, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, Qeveria në detyrë e Republikës së Kosovës, në mbledhjen e mbajtur më 31 maj 2020, nxjerr këtë:

**V E N D I M**

**PËR ORGANIZIMIN DHE FUNKSIONIMIN E KËSHILLIT TË MINISTRAVE TË REFORMËS SË ADMINISTRATËS PUBLIKE DHE STRUKTURAVE PËRGJEGJËSE PËR TË KOORDINUAR, MONITORUAR DHE ZBATUAR DOKUMENTET STRATEGJIKE TË REFORMËS SË ADMINISTRATËS PUBLIKE**

**Neni 1**  
**Qëllimi**

1. Qëllimi i këtij vendimi është:

1.1. Themelimi, funksionimi dhe përbërja e Këshillit të Ministrave për Reformën e Administratës Publike (në tekstin në vijim KMRAP), i cili do të jetë struktura kryesore përgjegjëse për sigurimin e zbatimit të dokumenteve strategjike të Reformës së Administratës Publike.

1.2. Themelimi dhe funksionimi institucional i strukturave përgjegjëse për të koordinuar, monitoruar dhe zbatuar dokumentet strategjike të Reformës së Administratës Publike si dhe strukturave përgjegjëse për zbatimin e tyre.

**Neni 2**  
**Përbërja e KMRAP**

1. KMRAP ka këtë përbërje:

- 1.1. Ministri i Punëve të Brendshme dhe Administratës Publike (kryesues);
- 1.2. Ministri i Financave dhe Transfereve (anëtar);
- 1.3. Ministri i Integritimit Evropian (anëtar);
- 1.4. Ministri i Administrimit të Pushtetit Lokal (anëtar);
- 1.5. Ministri i Ekonomisë, Punësimit, Tregtisë, Industrisë, Ndërmarrësisë dhe Investimeve Strategjike, (anëtar);
- 1.6. Ministri i Drejtësisë (anëtar);
- 1.7. Zyra e Kryeministrit – këshilltar politik (anëtar).

2. KMRAP ushtron detyrat dhe përgjegjësitë si vijon:

- 2.1. Drejton dhe mbikëqyrë në nivel politik të gjitha çështjet që ndërlidhen me procesin e zbatimit të dokumenteve strategjike të RAP;
- 2.2. Shqyrton raportet periodike të progresit mbi zbatimin e dokumenteve strategjike të RAP;
- 2.3. Zgjidhë çështjet që pengojnë dhe/apo vështirësojnë progresin e zbatimit të dokumenteve strategjike të RAP, në pajtim me politikat qeveritare;
- 2.4. Propozon në Qeveri për plotësim-ndryshimin e dokumenteve strategjike të RAP;
- 2.5. Vendosë për adresimin e çështjeve në Qeveri që ndërlidhen me zbatimin e dokumenteve strategjike të RAP;
- 2.6. Kontribuon dhe jep këshilla dhe udhëzime për Qeverinë dhe Kuvendin për procesin e racionalizimit të agjencive dhe vendosjen e linjave të llogaridhënies në Administratën Publike;
- 2.7. Në nivelin politik, stimulon dhe monitoron përmbushjen e indikatorëve të kontratës për mbështetje buxhetore të sektorit.

3. Takimet e KMRAP ftohen nga Kryesuesi dhe mbahen kur gjykohet që ka çështje për t'u shqyrtuar, por jo më pak se një (1) herë në tre (3) muaj. Për mbajtjen e takimit të KMRAP të pranishëm duhet të jenë së paku katër (4) nga shtatë (7) anëtarët me të drejtë vote. Në rast mungese të anëtarëve nga paragrafi 1.2 deri 1.6 i këtij neni në takimet e KMRAP marrin pjesë zëvendësministrat përkatës.

4. Kryesuesi i KMRAP mund të ftojë në takime edhe Ministra apo përfaqësues të institucioneve dhe/apo organizatave tjera, nëse çështjet që pritet të shqyrtohen lidhur me zbatimin e dokumenteve strategjike të RAP ndërlidhen me fushë veprimtaritë e institucioneve që ata përfaqësojnë.

5. Në takimet e KMRAP marrin pjesë edhe Sekretari i Përgjithshëm i Zyrës së Kryeministrit, Sekretari i Përgjithshëm Ministrisë së Punëve të Brendshme dhe Administratës Publike, si dhe Sekretari i Përgjithshëm i Ministrisë për Financa dhe Transfereve, të tre në cilësinë e përgjegjësve nga fushat respektive. Po ashtu edhe Udhëheqësi i Departamenti përgjegjës për Reformë të Administratës Publike, në cilësi të vëzhguesit. Këta mund të debatojnë për çështjet që ngritën për zbatimin e dokumenteve strategjike të RAP por pa të drejtë vote.

6. Në pajtim me paragrafin 2 të këtij neni, propozimet e KMRAP miratohen me shumicë votash dhe përmbajnë udhëzime të qarta për zgjidhjen e arritur për çështjen e shqyrtuar dhe veprimet e mëtutjeshme që duhen ndërmarrë nga ministria apo institucioni përkatës për zbatimin e vendimit në kohën e caktuar.

7. Propozimet procedohen për Qeveri për aprovim kur kërkohet një aprovim i tillë në pajtim me Rregulloren e Punës së Qeverisë.

### Neni 3

#### Strukturat përgjegjëse për zbatimin e dokumenteve planifikuese-strategjike

1. Strukturat përgjegjëse për zbatimin e aktiviteteve të dokumenteve planifikuese-strategjike janë institucionet vijuese:

- 1.1. Zyra e Kryeministrit (ZKM), përgjegjëse për zhvillimin dhe koordinimin e politikave dhe legjislacionit (koordinator, Sekretari i Përgjithshëm i ZKM);
- 1.2. Ministria e Punëve të Brendshme dhe Administratës Publike (MPBAP), përgjegjëse për shërbimin civil/publik dhe burimet njerëzore, ofrimin e shërbimeve publike dhe llogaridhënien (koordinator, Sekretari i Përgjithshëm i MPBAP); dhe
- 1.3. Ministria e Financave dhe Transfereve (MFT) përgjegjëse, për menaxhimin e financave publike (koordinator, Sekretari i Përgjithshëm i MFT);

2. Në pajtim me paragrafin 1. të këtij neni, Sekretarët e Përgjithshëm të institucioneve përgjegjëse përkatëse obligohen të ndërmarrin hapa të menjëhershëm për planifikimin, hartimin dhe zbatimin e aktiviteteve të dokumenteve planifikuese.

3. Në pajtim me paragrafin 1. të këtij neni dhe pas çdo takimi të punës, Kryesuesi i KMRAP informohet nga Departamenti përgjegjës për Reformë të Administratës Publike për konkluzionet dhe rekomandimet që dalin nga takimet.

4. Kryesuesit e GP-ve (koordinatorët) raportojnë në takimet e KMRAP mbi progresin dhe sfidat që evidentohen në takimet e Grupeve veç e veç.

5. Koordinatorët e përcaktuar me paragrafin 1. të këtij neni, veprojnë në pajtim me legjislacionin në fuqi si dhe sigurohen që zbatimi i aktiviteteve të realizohet me cilësi të lartë dhe në afatin e përcaktuar kohor në vet dokumentet planifikuese.

6. Detyrat dhe përgjegjësitë e Koordinatorëve (SP-ve) përgjegjës janë:

6.1. Sigurimi i zbatimit të vendimeve të KMRAP me cilësi të lartë dhe me shpejtësi;

6.2. Shqyrtimi i performancës dhe koordinimi i veprimeve për zbatimin e plotë dhe efektiv të aktiviteteve të dokumenteve planifikuese;

6.3. Identifikimi dhe propozimi i masave procedurale/teknike që duhet ndërmarrë për zbatimin e plotë dhe efektiv të aktiviteteve të dokumenteve planifikuese;

6.4. Evidentimi i sfidave dhe ngecjeve eventuale gjatë procesit të zbatimit të dokumenteve planifikuese dhe propozimi i zgjidhjeve për tejkalimin e tyre;

6.5. Përcaktimi i prioriteteve për zbatimin e aktiviteteve të dokumenteve planifikuese, sipas nevojës;

6.6. Diskutimi i buxhetit të nevojshëm për zbatimin e aktiviteteve të caktuara;

6.7. Harmonizimi i dokumenteve planifikuese në mes vete dhe me dokumentet tjera strategjike e planifikuese të Qeverisë dhe ato të Integritimit Evropian.

6.8. Hartimi dhe përpilimi i materialeve të ndryshme sipas çështjeve dhe temave që KMRAP ka për agjendë diskutimi, në fushat përkatëse; dhe

6.9. Çdo fund vit, hartojnë nga një raport përmbledhës vjetor mbi të arriturat, sfidat dhe rekomandimet që rrjedhin nga procesi i RAP në fushat e tyre përkatëse.

7. Koordinatorët, në takimet e tyre punës për RAP sigurohen se kanë përfshirë edhe nga një përfaqësues nga Ministria e Administrimit të Pushtetit Lokal, dhe atë të Ministrisë së Integritimit Evropian.

8. Në pamundësi objektive të pjesëmarrjes në takimet e tyre të punës si dhe në takimet e KMRAP, koordinatorët mund të autorizojnë një drejtor departamenti nga institucioni përkatës që të merr pjesë në këto takime dhe të përfaqësoj institucionin përkatës në emër të koordinatorit.

9. Sigurohen që Departamenti përgjegjës për Reformë të Administratës Publike, me një anëtar është përfshirë në takimet e punës për hartimin e dokumenteve planifikuese të RAP.

#### **Neni 4**

#### **Struktura përgjegjëse për koordinimin dhe monitorimin e zbatimit të dokumenteve planifikuese-strategjike**

1. Struktura përgjegjëse për koordinimin dhe monitorimin e zbatimit të dokumenteve strategjike është Departamenti përgjegjës për Reformë të Administratës Publike pranë Ministrisë së Punëve të Brendshme dhe Administratë Publike.

2. Për të koordinuar dhe monitoruar zbatimin e dokumenteve planifikuese për RAP dhe në pajtim me dispozitat e këtij vendimi, Departamenti përgjegjës për Reformë të Administratës Publike ushtron detyrat dhe përgjegjësitë si vijon:

Ofron informata cilësore, të sakta dhe të vazhdueshme mbi zbatimin e dokumenteve strategjike për Kryesuesin e KMRAP, Ministrisë së Punëve të Brendshme dhe Administratë Publike.

2.1 Përmbledh raportet a marra nga koordinatorët (Sekretarët e Përgjithshëm, përkatës) për progresin e arritur në fushat përkatëse të RAP dhe dërgohen në Departamenti përgjegjës për Reformë të Administratës Publike.

2.2. Në fund të çdo viti kalendarik, përgatit një raport përmbledhës vjetor dhe vlerëson realizueshmërinë e dokumenteve planifikuese-strategjike dhe në bashkërendim me Sekretarët e Përgjithshëm (koordinatorët) përgjegjës propozon drejtimet e përditësimit të dokumenteve strategjike;

2.3. Mbi bazën e problematikës së nxjerrë nga raportet përmbledhëse, kërkesave të koordinatorëve dhe/apo çështjeve të tjera që përmirësojnë ecurinë e procesit të zbatimit të dokumenteve planifikuese-strategjike, propozon projekt-agjendën e takimeve të KMRAP dhe e përcjell për shqyrtim dhe miratim tek Kryesuesi i KMRAP;

2.4. Formulon konkluzionet dhe vendimet e mbledhjes së KMRAP të cilat, pas miratimit nga Kryesuesi, i përcjell brenda një (1) jave për informacion dhe veprime të mëtutjeshme tek institucionet e përfshira në problematikën e agjendës së takimeve;

2.5. Bënë monitorime të rregullta dhe/apo ad-hoc sipas rasteve për verifikimin e rezultateve të paraqitura në raporte, dhe rezultat e monitorimit i paraqet pranë KMRAP;

2.6. Ushtron veprimtari të ndërsjellë informuese, monitoruese, koordinuese dhe ndihmuese pranë të gjitha strukturave përgjegjëse për zbatimin e dokumenteve strategjike; dhe

2.7. Departamenti përgjegjës për Reformë të Administratës Publike, po ashtu kryen rolin e sekretariatit për KMRAP;

## Neni 5

### Shfuqizimi dhe hyrja në fuqi

1. Me hyrjen në fuqi të këtij vendimi shfuqizohet vendimi Nr.07/07 i datës 06 tetor 2017.
2. Vendimi hyn në fuqi ditën e nënshkrimit.

Albin KURTI



Kryeministër në detyrë i Republikës së Kosovës

### Iu dërgohet:

- Zëvendëskryeministrave
- të gjitha ministrave (ministrave)
- Sekretarit të Përgjithshëm të ZKM-ës
- Arkivit të Qeverisë



**Republika e Kosovës**  
**Republika Kosova - Republic of Kosovo**  
*Qeveria - Vlada - Government*

---

Nr. 02/38

Datë: 31.05.2020

Në mbështetje të nenit 55 të Kushtetutës së Republikës së Kosovës, nenit 89 të Ligjit Nr. 04/L-125 për Shëndetësi, Ligjit Nr. 02/L-109 për parandalimin dhe luftimin e sëmundjeve ngjitëse, duke u bazuar në nenin 4 të Rregullores Nr. 05/2020 për Fushat e Përgjegjësisë Administrative të Zyrës së Kryeministrit dhe Ministrive, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, me qëllim të zbatimit të Vendimit të Qeverisë së Republikës së Kosovës Nr.01/11 të datës 15 mars 2020 për shpalljen e Emergjencës për Shëndetin Publik, dhe pas diskutimit me njësitë përkatëse në zbatim të rekomandimit të IKShPK-së, Qeveria në detyrë e Republikës së Kosovës, në mbledhjen e mbajtur më 31 maj 2020, nxjerr këtë:

**V E N D I M**

**Për aprovimin e Kërkesës së Ministrisë së Shëndetësisë**


1. Shfuqizohet Vendimi i Qeverisë Nr.01/16 i datës 26 mars 2020;
2. Plotësohet dhe ndryshohet pika 1.1. e Vendimit të Qeverisë Nr. 01/07 të datës 11 mars 2020 si në vijim:
  - 2.1. Rihapja e kopshteve dhe çerdheve nga mosha 0 deri në 5 vite në Institucionet publike dhe private të nivelit parashkollor;
  - 2.2. Organizimi i ambientit dhe përgatitjeve për testin e arritshmërisë me klasat e nënta (kthimi i klasave të nënta në shkollë bëhet prej datës 8 qershor deri më 19 qershor me qëllim të mbajtjes së testit të arritshmërisë me 23 qershor 2020);
  - 2.3. Organizimi i ambientimit dhe përgatitjeve për testin e maturës me nxënësit e klasave të dymbëdhjeta (kthimi i klasave të dymbëdhjeta në shkollë bëhet nga 15 qershor deri më 30 qershor dhe mbajtja e testit të maturës më 4 korrik 2020);
  - 2.4. Lejimi i orëve praktike/laboratorike për Institucionet e Arsimit të Lartë dhe organizimi i provimeve duke zbatuar në mënyrë strikte rekomandimet e IKSHPK-së.
3. Shfuqizohet pika e IV. e Vendimit të Qeverisë Nr.02/35 të datës 27 maj 2020 me të cilin personat që hyjnë në Republikën e Kosovës obligohen të vet-izolohen për 14 ditë të ardhshme.
4. Shfuqizohet pika e 4. Vendimit të Qeverisë Nr. 01/09 i datës 13 mars 2020 me të cilin janë mbyllur kufijtë tokësor në Republikën e Kosovës.
5. Hapen kufijtë tokësor në pikat kufitare si në vijim: Mendarë, Vërmicë, Kullë, Hani i Elezit, Jarinjë dhe Dheu i Bardhë.
6. Të gjithë personat që hyjnë në territorin e Republikës së Kosovës, obligohen t'i nënshtrohen kontrolleve të ekipeve mjekësore të QKMF-ve (Qendrave kryesore të mjekësisë familjare) në pikat kufitare dhe t'i zbatojnë masat mbrojtëse kundër COVID19.

- 6.1. Të gjithë personat që hyjnë në territorin e Republikës së Kosovës dhe posedojnë rezultatin negativ për testin Covid-19 RT PCR (jo më i vjetër se 4 ditë) nuk i nënshtrohen procedurave të vet-izolimit;
  - 6.2. Ata që nuk kanë testin sipas pikës 6.1. detyrohen të vetë-izolohen për 7 ditë;
  - 6.3. Qytetarët që manifestojnë shenja klinike udhëzohen nga profesionistët shëndetësorë në pikat kufitare;
  - 6.4. Deri me datën 20 qershor do të bëhet rivlerësim i situatës epidemiologjike dhe me këtë do reflektohen masa të reja lidhur me pikat kufitare dhe hyrjen e qytetarëve në Republikën e Kosovës.
7. Shfuqizohet pika e 6. Vendimit të Qeverisë Nr. 01/09 i datës 13 mars 2020 me të cilin janë mbyllur kafeteritë, baret, restorantet dhe qendrat tregtare.
  8. Shfuqizohet pika 9. e Vendimit të Qeverisë Nr. 01/09 i datës 13 mars 2020 me të cilin janë reduktuar veprimet esenciale dhe stafi esencial për çdo institucion publik.
  9. Shfuqizohet pika e 1.3. Vendimit të Qeverisë Nr. 02/17 i datës 27 mars 2020 lidhur me ushtrimin e veprimtarive të barnatoreve të licencuara të Republikës së Kosovës.
  10. Të gjitha ministritë e linjës në bashkëpunim me palët e interesit obligohen t'i zbatojnë masat mbrojtëse sipas rekomandimeve të IKSHPK-së, OBSH-së dhe institucioneve kredibile ndërkombëtare.
  11. Obligohen Institucionet e Qeverisë së Republikës së Kosovës të ndërmarrin veprimet e nevojshme për zbatimin e këtij Vendimi, me theks të veçantë të ketë kontrolla rigoroze nga organet e rendit dhe Inspektoratet respektive.
  12. Vendimi hyn në fuqi ditën e nënshkrimit.

## A R S Y E T I M

Meqenëse situata epidemiologjike në vend konsiderohet me rrezik të reduktuar, krahasuar me situatën paraprake, e konstatuar nga IKSHPK-ja dhe zyra e OBSH-së në Kosovë, u vendos si në dispozitiv të këtij vendimi.

**Albin KURTI**



Kryeministër në detyrë i Republikës së Kosovës

### Iu dërgohet:

- Zëvendëskryeministrave
- të gjitha ministrive (ministrave)
- Sekretarit të Përgjithshëm të ZKM-ës
- Arkivit të Qeverisë



**Republika e Kosovës**  
**Republika Kosova - Republic of Kosovo**  
*Qeveria - Vlada - Government*

---

Nr. 03/38

Datë: 31.05.2020

Në mbështetje të nenit 92 paragrafi 4. dhe të nenit 93 paragrafi (4) të Kushtetutës së Republikës së Kosovës, të Ligjit Nr. 04/L-036 për Statistika Zyrtare të Republikës së Kosovës, i ndryshuar dhe i plotësuar me Ligjin Nr. 06/L-058, duke u bazuar në nenin 4 të Rregullores Nr. 05/2020 për Fushat e Përgjegjësive Administrative të Zyrës së Kryeministrit dhe Ministrive, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, Qeveria në detyrë e Republikës së Kosovës, në mbledhjen e mbajtur më 31 maj 2020, nxjerr këtë:

**V E N D I M**

1. Aprovohet Raporti Vjetor i Statistikave Zyrtare për vitin 2019.
2. Raporti nga pika 1. e këtij vendimi i procedohet Kuvendit të Republikës së Kosovës.
3. Vendimi hyn në fuqi ditën e nënshkrimit.

**Albin KURTI**

---

Kryeministër në detyrë i Republikës së Kosovës

**Iu dërgohet:**

- Zëvendëskryeministrave
- të gjitha ministrive (ministrave)
- Sekretarit të Përgjithshëm të ZKM-ës
- Arkivit të Qeverisë